

EFESIOS

Ati pūurore ca wede majuropeerijea, Ɛmureco Pacu cū ca tiipe ca wajoa nūcātipe cū ca cōrica cuu ca earo, cū ca jeeñorique niipetirijepurena Cristo wado cū ca doti niirije ca nii earo cū ca tiipere wede. Ate o biro Ɛmureco Pacu cū ca tiipe aperā peera ca majiña manirije ca niicārijere cū yaarā wadore teere cūja ca majiro tiimi.

Ati pūurore cū ca owa jūorique ape pūurorire biro biiti (1.1-2).

Pua wāme nii ca nii majuropeerije: Ca nii jūori wāme (1.3—3.21), jīcāri mena añuro niiriquere, Ɛmureco Pacu cū yaarāre beje jeegu cū ca tiirica wāmere, cū Macū Jesucristo jūori ñañarije cūja ca tiiriquere acobo, teere cūjare ametuene, cū ca tiirica wāmere, Cristo bojocare cū ca mairije do biro ca tiiya manirijepu ca niirijere, wede.

Jiro macā wāme pea (4.1—6.20): Añuri Yeri jūori jīcāri mena añuro niiriquere, Cristo jūori wāma wāme cati niiriquere, Ɛmureco Pacu puna ca niirā “O biiri wāme ca bii niiparā niima” cū ca īi wederiquere, wede.

Ca yapanori tabepura Tíquicore cū ca tiicojo cojopere wede yapano ea (6.21-24).

Cristore ca tuo nūñjeerā jīcāri mena añuro cūja ca niirijere īi cōoñagu cū ca īirique pea itia wāme nii: Cristore ca tuo nūñjeerā cū upu nii, Cristo pea cūja dūpuga, cūjare ca jūo niigu niimi; wii ca emuari wiire cū ca īi cōoña wederije peera, Cristo niimi tii wiire ca jūo tuu ñeerica ūtāga ca nii majuropeerica; nūmo cutirique mena cū ca īi cōoñarije peera Cristore ca tuo nūñjeerā niima, Cristo nūmore biro ca niirā.

Añu doti yapanorūgu jūguero, bojoca cati añurā, ca tūgoeña bayirā, niirique maquēre wede majiomi tii yūtea macārā uwamarā romanos beju cuti, bojoca tooye cuti, cūja ca biirique mena īi cōoñari, Ɛmureco Pacu wederiquere “Teere biro bojoca tooye cuti” cū ca īirije mena (6.10-20).

Éfeso macārãre Pablo cū ca queti owa cojorica pũuro

Añu dotirique

1 ¹Yũ Pablo, Æmũreco Pacũ cū ca boorore biro, Cristo Jesús yee quetire wederi majũ, mũja Éfeso macārã, Æmũreco Pacũ yaarã ca ñañarije manirã, Cristo Jesús're ca tũo nũñjeerãre, mũjare yũ añu doti cojo.

²Æmũreco Pacũ mani Pacũ, mani Wiogũ Jesucristo, cũja ca ãa mairije, añuro niirique, mũjare cũja tiicojojato.

Æmũreco Pacũre baja peo nũcũ bũorique

³Baja peo nũcũ bũoricũ cū nijato Æmũreco Pacũ, mani Wiogũ Jesucristo Pacũ, Cristo jũori, æmũreco tutipũ ca niirije niipetirije añurije mena, “Añuro cũjare to bijato” manire ca ãiricũ.

⁴Æmũreco Pacũ ati yepare cū ca tiiparo jũgueropũra, mani Cristore ca tũo nũñjeeparãre beje yerijãaupi, cū ca ãa cojorore ca ñañarije manirã, ñañarije ca tiitirã mani ca niipere biro ãigũ.

⁵Maima ãigũ, Jesucristo jũori cū punare biro manire cū ca tiipere jũgueropũra: “To biro yũ tiirucu,” ãiupi mee, cū ca boorore biro, “Añuri wãme yũ tiirucu,” cū ca ãiricarore birora. ⁶Atere to biro tiupi Æmũreco Pacũ cū ca añu majuropeerije mena, cū Macũ cū ca maigũ jũori, añuro manire

cū ca tii bojariquere to birora mani ca baja peo nũcũ bũocõa niipere biro ãigũ. ⁷Cristo mani yee jũori bii yaigũ cū ca díi bate yairique jũorira, do biro tiiya maniropũ bũaropũra ca añu majuropeegũ cū ca niirije ca niiro biro, ñañarije mani ca tii niirijere cū ca ametũene bojariquere mani cõo, ⁸Æmũreco Pacũ niipetiro majirique, tũo puorique, manire cū ca tiicojoriquere. ⁹Cãa, cū ca boorore biro ca majiña maniriquere, mee jũgueropũra Cristo jũori añuri wãme “O biro yũ tiirucu,” cū ca ãiriquere mani ca majiro tiupi, ¹⁰tii cuu ca earo, niipetirije emũaropũ ca niirije, ati yepa maquẽre Cristo yee wado nii earucu, cū ca ãiricarore birora.

¹¹Ñucã Cristo jũorira, cū yeere ca cõo nũña waaparã jãa ca niiro jãare tiupi Æmũreco Pacũ; mee jãarã jũgueropũra niipetirijepũrena cū ca boorore biro ca tiigũ, cū ca tiipa wãme ca niirore biro jãare beje ami yerijãaupi. ¹²Cũ pea jãa, cũre ca yue jũo niirucuricãrã, cũre ca tũo nũñjee jũorã jãa ca niiro boopũ, cū ca añu majuropeerijere niipetirã mani ca baja peo nũcũ bũopere biro ãigũ. ¹³Ñucã mũja cãa, díamacũ ca niirije queti manire cū ca ametũenerique añurije quetire tũo nũñjeema ãirã, “Yũ tiicojorucu,” cū ca ãiricũ Añuri Yerire mũjare cū ca

tiicojorique mena Æmureco Pacu yaarã peti mũa ca niiro tiuupi.

¹⁴Añuri Yerira, Æmureco Pacu: “Yu tiicojorucu,” manire cũ ca ñiriquere, mani cũ yaarãre cũ ca ametuene yapanori tabere teere ca cwo eaparã mani ca niirijere ca bii jũgwegu niimi, cũ ca añu majuropeerijere mani ca baja peopere biro ñigu.

Jesucristore ca tũo nũnũjeerãre cũ ca juu bue bojarique

¹⁵To biri yu, Wioгу Jesús're díamacũ mũa ca tũo nũcũ bũorijere, ñucã Æmureco Pacu yaarã niipetirã mena añuro mũa ca ameri mai niirijere, yu ca tũorica taberũra, ¹⁶juu buegu cõro mũa jũori, “Añu majuropeecã,” yu ñi yerijãati Æmureco Pacure. ¹⁷Mani Wioгу Jesucristo Æmureco Pacu, ca añu majuropeerijere Pacure, añuro cũre mũa ca majipere biro ñigu, añuro majirique, cũ yee maquere majirique ca tiicojogu Añuri Yerire mũjare cũ tiicojojato ñigu, yu jãi. ¹⁸Ñucã Æmureco Pacure, mũa ca tũgoeñarijere cũ majiojato, yu ñi jãi boja, mũa ca yue niirijere “Ate maquere ñirã jãa jũo ecojara,” ñi maji, Æmureco Pacu cũ yaarãre cũ ca tiicojorije bũaropũra ca añu majuropeerijere ca niirijere, ¹⁹ñucã cũ ca yeri tutuarije ca peti nũcãtirije, mani, Jesucristore ca tũo nũnũjeerã menare ca bii bau nii niirijere

mũa ca majipere biro ñigu. Ate yeri tutuariquea Æmureco Pacu cũ ca tutuarije do biro ca tiya manirije mena, ²⁰Cristore, ca bii yairicarã watoare cũ ca cati tuaro tii, Æmureco tutipũre cũ díamacũ nũña pee cũ ca duwiro tiiri, ²¹niipetirije ca yeri tutuarije, doti majirique, ña nũnũjeerique, doti niirique, ñucã ñi nũcũ bũorica wãmeri ca niirije cõrorena ati cuu cãare, jiro macã cuupu cãare, ²²niipetirijepũre ca doti niigu cũuupi Cristore. Ñucã cũrena, cũre ca tũo nũnũjeerãre ca jũo niigu cũre cũuupi. ²³Cristore ca tũo nũnũjeerã, Cristo upu ca niirã pea, niipetiropu ca niigu cũ ca bojoca cati niirijere ñee dũjaricaro maniro ca bii bau nii ñiorã niima.

Cristo jũori cati niirique

2 ¹Ména jũgueropũre, ñañarijere tiiri, mũa ca ñañarije wapa ca bii yairicarãre biro mũa niupa, ²ñañarijere tii nũnũjee, ñucã ñañarije yeri winopu ca yeri jãñagu^a cũ ca boorore biro tii, Æmureco Pacure ca tũo nũnũjeetirãpũre ca ñi dito niigu cũ ca boori wãmere biro tii niima ñirã. ³Jãa cãa jũgueropũre, jãa niipetirãpũra to birora jãa tii niirucuupa, jãa ca boorore biro ñañarije jãa ca tiirũga tũgoeñarije pee wadore tii niima ñirã. Ate jũori, aperã ñañaro

^a 2.2 Satanás.

cãja ca tii ecomparore birora, jãa cãa, Æmureco Pacure ñaãaro ca tii ecomparã peti jãa niipa. ⁴Æmureco Pacu pea buaropura ca ña maigu niiri, do biro tiiya maniroru manire mairi, ⁵ñañarije mani ca tii niirucurije jwori ca bii yairicarãe biro mani ca niimiriquere, Cristo jwori catiriquere manire tiicojoui. Æmureco Pacu aãuro cã ca tii bojarique jwori, mwa ametnaupa. ⁶Cristo menara mani ca cati tuaro tiiri, ñucã cã menara Æmureco tutipã mani ca duwiro manire tiupi Æmureco Pacu. ⁷Atere to biro tiupi, jiro macã yatearipure, cã ca bojoca aãurijepã wapa manirora Cristo jwori aãurijere paio manire cã ca tii bojariquere ñorugã. ⁸Æmureco Pacu ca bojoca aãugã cã ca niiro macã, díamacã tuo nãcã bworique jworira mwa ametneene ecoupa. Atea mwa majurope mwa ca bwarique méé nii. Æmureco Pacu wapa manirora^b cã ca tiicojoriije nii. ⁹Aãurije tii niirique jwori méé bii. Jicã ñno peera, “O biro jãa ca tiirije jwori, teere jãa bñawã,” cãja ca ñi nucã yujutipere biro ñiro. ¹⁰Mania, Æmureco Pacu cã ca tiiricarã mani nii. Cristo jworira, wãma yeri manire wajoaupi, mee jwugeropura aãurije mani ca tii niipere cã ca queno yueriquere mani ca tii nãna waapere biro ñigã.

**Cristo Jesús jwori jicã
puna macãrã mani nii**

¹¹To biri mwa judíos ca niitirã, (judíos, jeyua quejero yapare wide taacãrira, “Æmureco Pacu yaarã jãa nii,” ca ñirã), “Ca jeyua quejero yapa wide taaya manirã,” cãja ca ñirã, ¹²jwugeropura Cristore ca majitirã, Israel yaa pooga macãrã méé, Æmureco Pacu, “O biro mani tii niirucu,” ñucã “O biro mwajare yã tiirucu” cã ca ñiriquere cwti,^c Æmureco Pacure majiti, tugoena yue niirique mani, mwa ca bii niiriquere tugoenaña. ¹³Mecãra Cristo Jesús mena mwa nii, ména jwugeropura teere cwti, majiti, ca biimiricarãe Cristo cã ca díi bate yai bojarique jwori Æmureco Pacu cã ca jee cojoricarã niiri.

¹⁴Cristora niimi, aãuro mani ca niiro manire ca tiigã. Cãra, judíos, judíos ca niitirã mena ameri ñarugati, mani ca bii niimiriquere, cã ca bii yairique mena mani ca yeri wajoaro tii, jicã majare birora mani ca bojoca cwti niiro manire tiupi. ¹⁵Ñucã doti cãurique ca dotirijere, tee ca ñirore biro tii nãnjeeeriquere, ca wapa maniro tiupi. Atere to biro tiupi, cã majuropeera, pã poogapã ca niimiricarãe, jicã pooga macãrã cãja ca niiro tii, tiicãri aãuro jicãri mena

^b 2.8 Regalo, griego wederique menara tii wãmerena gracia, don, ñicã.

^c 2.12 Pacto o promesa.

niiriquere tiigu. ¹⁶Ñucã cãra, mani pua pooga macãrãpura mani ca ameri ïarugati niimiriquere, Cristo cã ca bii yairije menara tii yaio batecãupi, jĩcã majare birora Æmureco Pacu mena añuro cãja nii eajato ïigu. ¹⁷Jesucristo doori, niipetirãpura añurije jĩcãri cõro niirique quetire, muja cãre ca majitirãre, jãa judíos cãre ca majirã cãare, wedeupi. ^d ¹⁸Cristo jãori, mani ca niiro cõro, jĩcã Añuri Yeri menara Æmureco Pacu putope mani ca ea waarijere mani cõo.

¹⁹To biri muja, ca ïa ñaãña manirã, ape yepari macãrãpura, muja niiti; ca ñaãrije manirã Æmureco Pacu puna mena macãrã pee muja nii yua. ²⁰Muja, Cristo cã yee quetire cã ca wede doti cojoricarã, Æmureco Pacu yee quetire wede jãgueri majara, cãu ñee jãorica yepare biro ca niirã jotoare, wii queno mña waariquere biro ca niirã muja nii. Cristora niicãmi tii wiire ãtãga ca jão tuu ñeericare biro ca niigu. ²¹Cristo jãorira, wii añuro jene peo ñeerica wiire biro muja bii nãna waa Wioãre tão nãnjeeema ïirã, Æmureco Pacu yaa wii, ca ñaãrije maniri wii nii earugarã. ²²Ñucã, Jesucristo jãorira jĩcã pooga macãrãra muja bii nea poo nãna waa, Æmureco Pacu, cã Añuri Yeri menaru cã ca bojoca cuti niiri wii nii earugarã.

Judíos ca niitirãre Pablo añurije queti cã ca wederique

3 ¹Ate jãorira yã Pablo, Cristo yee jãori tia cãurica wiipura yã nii, muja judíos ca niitirãre añuro muja ca niipere boo jãama ïigu.

²Mee, Æmureco Pacu añuro cã ca tii bojariquere añuro muja ca niipere ïigu, yãre cã ca wede dotiriquere muja majicu, ³ca majiña manirije ca niiriquere Æmureco Pacu yãre cã ca majioriquere, mee, jãguero peeto mujare yã ca owajãrore birora. ⁴Atere buerã, Cristo yee maquẽ ca majiña manirije ca niiriquere yã ca majirijere muja majirucu: ⁵tãmãpura jĩcã uno peerena ca wede majioña manirique, mecãra yua ca ñaãrije manirã Cristo yee quetire wederi maja, to biri Æmureco Pacu yee quetire wede jãgueri maja mena, cã yã Añuri Yeri jãori cã ca majioriquere. ⁶Ate nii ca majiña manirique: Æmureco Pacu, añurije queti jãori bojoca poogaari niipetirore jãomi, Cristore tão nãnjeeeri, israelitas're birora Æmureco Pacu yaarã nii, “To biro yã tiirucu” cã ca ïiriquere cõo, jĩcã upura nii, cãja bijato ïigu.

⁷Ate añurije quetire, Æmureco Pacu cã ca tutuarije ca niirore biro cã ca mairije jãori, yãre

^d 2.17 Jesucristoa niipetirãpura añurije queti jĩcãri cõro niirique quetire jee doogu dooupi.

cũ ca tiicojoriquire paderi majũ yũ nii eawũ. ⁸Niipetirã Æmureco Pacũ yaarã watoare “Cã ca iĩña manigũ,” nii pacagũ, Cristo añuro cũ ca tiirije do biro tii, ca maji petiya manirijere bojoca poogaarire yũ ca wedepe maquẽre yũ boca amiwũ. ⁹To biro tiiri, Æmureco Pacũ niipetirije ca tiiricũ cũ ca tiipere, tĩrũmũpũra ca majiña manirije ca nii jũo dooriquere, niipetirã cũja ca tuo majiro yure tii dotiwi. ¹⁰O biro tiiri mecũra, Æmureco Pacũ cũ ca majirijere bojorica wãmeri Jesucristore ca tuo nũnũjeerã menapũ, æmureco tutipũre ca yeri tutuarã, ca dotirã ca niirãre, cũja ca majiro tiimi, ¹¹Cristo Jesús mani Wiogũ jũori, “To biro yũ tiirucu” cũ ca iirique ca peti nũcãtipe cũ ca tiirique ca niirore biro. ¹²Jesucristo yaarã niiri, díamacũ tuo nũcũ bũorique jũori uwiricarõ maniro Æmureco Pacũ pũtore mani ea waa maji. ¹³To biri mũjare iĩma iĩgũ, ñañaro yũ ca biirijere tũgoeñarique paiticãña. O biro mũjare yũ iĩ: “Ñañaro yũ ca biirijea mũja peera añurije maquẽ niiro bii.”

Efesiore cũ ca juu bue bojarique

¹⁴⁻¹⁵Ate jũori, mani Wiogũ Jesucristo Pacũ, æmureco tutipũ ca niirã, ati yepa ca niirã, niipetirãre ca tiiricũ jũguerore yũ ãjũro jupea mena ea nuu waari, ¹⁶Æmureco Pacũre yũ jãi, cũ ca añũ majuropeerije pairorũ ca niicãrijere cũ Añuri Yeri jũori, mũja ca cati niirijepũre yeri

tutuariquere tiicojo, ¹⁷díamacũ tuo nũcũ bũorique jũori, Cristo mũja yeripũ nii, ñucã ameri mairiquera mũja ca cati niirijere ca jũo tutua niirije nii, to biijato iĩgũ. ¹⁸Æmureco Pacũ yaarã ca ñañarije manirã niipetirã mena, Cristo cũ ca mairije ca peti nũcãtirije, ca ejaro pee cãare, ca yoaro pee cãare, ca emũaro pee cãare, ca ñcũaro pee cãare, to cõrora ca niicãrijere tuo jeeño, ¹⁹to biri cũ ca mairije mani ca tũgoeñarije ametũenero ca niirijere majicãri, Æmureco Pacũ niipetirorũ cũ ca niirije mũjarũre to ca niipere biro iĩgũ, yũ jãi boja.

²⁰Mani ca jãirije, mani ca tũgoeñarije, ametũenerorũ ca tii majigũ, cũ ca tutuarije ca niirore biro manipũre ca tii niigũ ²¹Æmureco Pacũre, Cristo Jesús jũori, cũre ca tuo nũnũjeerã jũori, cũ ca añũ majuropeerijere bojoca cũja ca nii mũa nũcã nũnũa waaro cõrora to birora iĩ nũcũ bũocõa niirique to niijato. To biro to biijato.

Jĩcãri cõro tũgoeñarique cãti niirique

4 ¹Atere iĩma iĩgũ, yũ Wiogũ yee jũori tia cũurica wiipũ ca niigũ, “Mũja, Æmureco Pacũ cũ ca jũoricarãre birora, tiirica wãmeri uno wadore tii niiña,” mũjare yũ iĩ. ²“O biro ca biirã jãa nii,” iiti, ca bojoca añurã nii, ca nũcãrã nii, mũja ca niiro cõrora ñañaro iitirãra ameri mai, tiicõa niiña. ³Añuro niirique, niipetirãpũre jĩcã majare biro nii

earicaro ca tiirije Añuri Yeri cã ca tiirijere, to birora tiicõa niĩña. ⁴ Æmureco Pacu jĩcã wãmerena ca yueparã cã ca juoricarã mja ca niimore birora, jĩcã upra nii, jĩcã Añuri Yerira nii, biimi. ⁵ Wiogu jĩcãra, jĩcã wãmera díamacũ tuo nucũ buorique, uwo coerique cãa jĩcã wãmera, ⁶ ñucã jĩcãra Æmureco Pacu niipetirã Pacu nii, biimi. Niipetirã ametuenero nii, niipetirãpue bojoca cuti nii, niipetiropu nii, biimi.

⁷ To ca bii pacaro, manire mani ca niiro cõrorena, Cristo cã ca booricarore biro mani ca tii maji niipe añurijere manire tiicojoui. ⁸ To birira Æmureco Pacu wederique o biro ii:

“Æmureco tutipu tua mña waagu, ñañaro mani ca tiiro ca tii niirijere jeeoaupi. To biro tiicãri, bojocare añurije tii majiriquere tiicojoui,”
ii.^e

⁹ ¿Do biro iirugaro “Mña waaupi” to iiti? “Ména, ati yeparãre duwi doo juoupi,” iirugaro ii. ¹⁰ Ati yeparã ca duwi dooricãra ñucã, æmurecori õo pee jañuropu mña waaupi, niipetiropu bojoca cuti peoticã cojorugu. ¹¹ Cãra jĩcãrãre cã yee quetire ca wedeparã, aperãre Æmureco Pacu yee quetire wede jugueri maja, aperãra añurije quetire wede yujuri maja, aperãra Jesucristore ca tuo nunjeerãre juo niiri maja, bue majiori maja, cãja ca

niiro tiupi.^f ¹² O biro tii majioui Æmureco Pacu yaarãre, añurije tiirique maquẽre cãjare wede majio, Cristore ca tuo nunjeerã cãja ca nii mña nucãro tii, cãja tijato iigu. ¹³ O biro biirã, niipetirãpura díamacũ tuo nucũ buoriquere, Æmureco Pacu Macãre majiriquere, jĩcã majara nii ea, Cristo cã ca biimore biropu bojoca añurã peti, mani nii yapano earucu.

¹⁴ To biri wimarãre biro, yoari méé tugoeña wajoa, ca ii ditorã díamacũ ca niitirijerena díamacãre biro cãja ca ii dito yujurijerena tuo nunjee, mani biitirucu. ¹⁵ To biro biitirãra, ameri mairique mena díamacũ ca niirijere tii nunjeerã, niipetirijepurena mani Wiogu Jesucristo cã ca biimore biropu mani bii earucu. ¹⁶ To biro cã ca tiirije juori, niipetiri upu ameri mairique mena añuro bucna nunna waa, upu macã taberi añuro nii tuu doo ñee biicãri, tee ca niiro cõrora tee ca tii niipe ca niimore biro ca tii niirije ca niiro macã.

Jesucristore ca tuo nunjeerãre birora bii niĩña

¹⁷ To biri Wiogu wãme mena, o biro mujare yu ii: Æmureco Pacure ca majitirã, cãja majuro cãja ca tugoeñarierena cãja ca tii nunjeerore biro bii niiticãña. ¹⁸ Añuro maji ame wititi, cãja

^e 4.8 Sal 68.18. ^f 4.11 Pecamaja yee mena: apóstoles, profetas, evangelistas, pastores y maestros.

yeri menapɥ tɥo jeeñorugati, c̄ɥja ca biirije pee c̄ɥjare ca bii ametuene nɥc̄arije jɥori, c̄ɥja ca tɥgoeña niirijepure boe taati. C̄ɥja, Ɛmɥreco Pacɥ catirique c̄ɥ ca tiicojorijere cɥoti, biic̄ama. ¹⁹To biro biic̄ari, ca bobo tɥgoeñarique manir̄a niiri, ñañarije tiirique peere tii nɥnɥjee pacar̄a, ñañaro c̄ɥja ca tii niirijere tii tuati majuropeec̄ama.

²⁰Mɥja to biro tii niirique méére, Jesucristo yee quetire mɥja bue majio ecoupa, ²¹yee mééra c̄ɥ yee maquē díamac̄u ca niirije ca niitore birora wede, bue majio, tiiricar̄a mɥja ca nijata. ²²Jɥguero mɥja ca bii niirucurique peera to biro mɥja ca tii niirucurique ñañarije, añurore biro ca bii dito niirijere, “To c̄orora tii yerij̄aña,” ïi bue majioricar̄a mɥja niipɥ.

²³Mɥja ca tɥgoeña niirijere ca wajoa ecoricar̄a nii, ²⁴mɥjare ca jeeñoricɥ Ɛmɥreco Pacɥ c̄ɥ ca biitore biro díamac̄u ca niirije ca ïiire birora añur̄a nii, ca ñañarije manir̄a nii, w̄ama w̄ame niirique c̄ɥtirique peere jee ɥpa, bii bojoca c̄ɥti niiña.^g

²⁵To biri to c̄orora ïi dito yerij̄aña. Mɥja ca niiro c̄orora mɥja p̄uto mac̄ar̄are díamac̄u ca niitore biro wedeya, niipetir̄ap̄ura j̄ic̄a ɥp̄a mac̄ar̄ara mani nii. ²⁶Ajjar̄a c̄aa ñañarije tiieto.^h J̄ic̄a r̄ɥmɥp̄a ajia naio waatic̄aña.

²⁷Satanás're bii bojatic̄aña. ²⁸Ca jee dutirucuricar̄a c̄aa, jee duti nemoeto. Jee dutitir̄ara añuro pade niiña, ca boo pacar̄are mɥja ca tii nemopere mɥja ca cɥopere biro ïir̄a.

²⁹Ñañarije wedetic̄aña. Añurije, añuro mani ca nii m̄aa nɥc̄aro ca tiirije, ca t̄or̄a añuro c̄ɥja ca t̄o yeri puna j̄añaro ca tiirije pee wadore wedeya. ³⁰C̄ɥ ca ametueneri r̄ɥmɥ ca niiro c̄ɥ yaar̄are ïa majir̄ugɥ, c̄ɥ ca tiicojoricɥ Ɛmɥreco Pacɥ ɥm̄a Añuri Yeri c̄ɥ ca tɥgoeñarique paio tiitic̄aña. ³¹Mɥja ca ajia jini tuurucurijere, ñañaro tiir̄uga ajia nuc̄u yujuriquere, ajariquere, acaro buiriquere, ñañaro ïi tutiriquere, to biri niipetirije ñañarijere to c̄orora yerij̄aña. ³²Mɥja ca niiro c̄orora ca bojoca añur̄a, ca boo paca ïar̄a, niiña. Ñuc̄a ñañaro mɥja ca tiirijere ameri wede quenoeña, Ɛmɥreco Pacɥ, Cristo j̄uori mɥja ca ñañarijere mɥjare c̄ɥ ca acobo bojaricarore birora.

Ɛmɥreco Pacɥ punare birora bii niiña

5 ¹Mɥja, Ɛmɥreco Pacɥ puna, c̄ɥ ca mair̄are birora c̄ure biro tii nɥnɥjeeya. ²Niipetir̄are mairique mena tii niiña. Jesucristo manire maigɥ, mani yee j̄uori bii yai boja, waibɥcɥ díi joe m̄uenericaro Ɛmɥreco Pacure añuro ca j̄uti añu m̄uenerijere biro c̄ɥ ca biiricarore birora.

^g 4.24 Ro 12.2; Col 3.10. ^h 4.26 Sal 4.4.

³Mũja, Ʋmũreco Pacũ yaarã ca niirã, tiirica wãme coro méépu ñee epericarã cũi tai waarique Ʋnorenã, jĩcã wãme ñañarije Ʋnora, ñucã apeye cwocã pacarã pai jaũuro boo nũnũ waarique Ʋnorenã, wede duwi yujuticãña.

⁴Ñucã ca tũorũgaya manirije Ʋno cãare, ca tũo Ʋjea niĩña manirijerena, docuorijerena, ïi bui wede peni duwi yuju, tiiticãña, atea añurije méé ni.

Teere ïitirãra, Ʋmũreco Pacũ peere baja peo nũcũ bũoya.

⁵Jĩcũ Ʋno peera nomiare ñee epe, ñañarije wadore tii, apeye cwocã pacagũ bũaro jaũuro boo nũnũ waa ca biigũ, tee Ʋnorenã ca ïi nũcũ bũogũ Ʋmũreco Pacũ, Cristo mena cũ ca doti niiri tabepũre ca waatipũ cũ ca niirijere ca majiparã mũja nii. ⁶Jĩcũ Ʋno peerena ïi dito ecoticãña. Ate jũorira doo, Ʋmũreco Pacũ cũre ca ametũene nũcãrãre ñañaro cũ ca tiipe. ⁷To biri mũja menapũra cũjare biro bii bui cũtiticãña.

⁸Mũja, jũgueropũre ñañarije wado tii niima ïirã, ca naitĩaropũ niirãre biro mũja bii niimiupa. Mecũra yua Wioũ yaarã niima ïirã, ca boero pee mũja nii. Ʋmũreco Pacũ punare birora bii niĩña. ⁹Ca boerije jũori ca biirijea, ca bojoca añurã niirique, añurije maquẽ tiirique, díamacũ wado ïi niirique nii. ¹⁰Ʋmũreco Pacũ cũ ca ïa biijejarije peere ïa bejeri

tii niĩña. ¹¹Ca naitĩaropũ niirãre biro ca niirã cũja ca tiirijere tiiticãña. To biro tiitirãra, “Ñañarije niiro bii, to biro tiirique” cũjare ïi wede majioña.

¹²Yaioropũ cũja ca tiirijere bau niioropũ wede batojata, ca boborije nii. ¹³Niipetirijepũre ca boerije to ca boe eyo peoticãjata, bau niirije nii eacã, ¹⁴ca boerijea, niipetirijere ca bauru tii. To birira o biro ïi:

“Mũ, ca cãniũre biro ca biigũ wãcãña. Ca bii yairicarã watoapũ niigũre biro ca niigũ wãmũ nũcã, bojoca catiya. To biro mũ ca biiro, Cristo mũre jĩa boerucumi,” ïi.

¹⁵To biri mũja ca biirique cũi niirijere añuro tũgoeña majiri tii niĩña. Ca tũgoeña majitirãre biro niitirãra, añuro ca tũgoeña majirãre biro pee niĩña.

¹⁶Ʋmũreco ñaña jaũu, to biri añuro mũjare ca bii eari taberira mũja ca tiipere tiicãña. ¹⁷Ca tũgoeña bojoca catitirã niiticãña.

“¿Dije pee to niiti, Ʋmũreco Pacũ cũ ca boerije?” ïi tũgoeña majiña petopũra. ¹⁸Cũmuticãña. Cũmuriqea añuro mani ca niirijere ca ñañorije nii. ⁱTo biro biitirãra, Añuri Yeri cũ ca boorore biro, cũ ca dotirije peere tii nũnũjee niĩña. ¹⁹Mũja ca niiro cõrora, Ʋmũreco Pacũre baja peo nũcũ bũoriquẽ mena, baja Ʋjea niirique mena, añuro yeri tũgoeñarique cũi baja

ⁱ 5.18 Col 3.17.

ujea niirique mena, ameri wede peni niña. Maja ca yeri jãñarije niipetiro mena baja, ïi nũcũ buo, ïi niña mani Wiogure.

²⁰Niipetirijepurena mani Wiogu Jesucristo jwori, Umureco Pacu, mani Pacure, “Añu majuropeecã” cüre ïi nũcũ buocõa niña.

Ca nũmoa cutirã cãja ca tii niipe

²¹Maja ca niiro cõrora ameri tuo nunjee niña, Cristore ca nũcũ buorã niiri.

²²Nomia, ca manũ jũmua cutirã, Wiogure maja ca tuo nunjeerore birora maja manũ jũmuaare tuo nunjeeya. ²³Ca nũmo cutigua, cã nũmore ca jwo niigu niimi, Cristo cüre ca tuo nunjeerãre cã upure biro ca niirãre ca jwo niigu cã ca niirore birora. Nũcã cãra niimi, cãjare ca ametuenege. ²⁴Cüre ca tuo nunjeerã Cristore cãja ca tuo nunjeerore biro, maja cãja nũmoa cãa maja manũ jũmuaare niipetirijepurena ca tuo nunjeeparã maja nii.

²⁵Ca nũmoa cutirã, maja nũmoare maiña, Cristo cã yaarãre maigu, ca ñañarije manirã cãja ca niiro tiirugũ, ²⁶cãjare cã ca bii yai bojaricarore birora. Cũra, oco, upure ca coerore birora, cã yee wederique mena mani ca yeri tũgoeña wajoaro tiipũ, ²⁷cã yaarãre cã majuropeera añurã, ca ñañarije manirã, ñañarijere ca tiitirã, cãja ca

niiro tiirugũ. ²⁸O biri wãmera maja, cãja manũ jũmua, maja upure maja ca mairore birora maja nũmoare ca maiparã maja nii. Cã nũmore ca maigua, cã upurirena maigu tiimi.

²⁹⁻³⁰Jĩcũ ñno peera cã upurena ïa tutitimi. Tiitigura añuro baa, ïa nunjee, tii niimi, Cristo cã yaarãre cã ca tiirore birora. Mania, cã upũ macã taberi niirã mani bii. ³¹To biri, amũ cã pacure, cã pacore witi weorucumi, cã nũmo mena niirugũ. Cãja purarãpura jĩcã upura nii earucuma.^j ³²Atea ca majiña manirije ca niimiriquera nii. Yua, Cristo, cüre ca tuo nunjeerã menare ïigu yũ ïi. ³³To biri maja ca niiro cõrora, maja upure maja ca mairore birora maja nũmoare maiña. Maja, cãja nũmoa cãa, maja manũ jũmuaare nũcũ buoya.

Cãja pacua, cãja puna, cãja ca tii niipe

6 ¹Maja, cãja puna, Wiogu cã ca ïa bijejarore biro maja pacuare tuo nunjeeya. Atea añurije nii. ²Umureco Pacu cã ca dotirique ca nii jworige, “To biro biirucu,” cã ca ïirique mena ca niirije ate nii: “Mũ pacure, mũ pacore, nũcũ buoya, ³añuro mäjare bii, ati yeparure yoaro cati nii, maja ca bii ujea nii niipere biro ïirã,” ïi.^k

⁴Maja, cãja pacua, maja punare cãja ca ajiaro tiiticãña.

^j 5.31 Gn 2.24. ^k 6.3 Ex 20.12; Dt 5.16.

To biro tiitirāra, Wiogũ cũ ca boorore biro pee añuro cũjare wede majjo tii majjoña.

Pade bojari maja, to biri cũja wiorā cũja ca tii niipe

⁵Mũja pade bojari maja, ati yepare mũja Ƴparā ca niirā cũja ca ĩrore biro tiya. Nũcũ bƳorique mena añuro yeri tũgoeñari, Cristorena pade bojarāre biro, cũjare pade bojaya. ⁶Cũja mena añuro tuarũgarā, mũja Ƴparā cũja ca ĩa cojoro wado añuro pade dito, tiiticāña. Cristore pade bojari majare birora Ƴmũreco Pacũ cũ ca boorore biro añuro yeri tũgoeñarique mena padeya. ⁷Bojocarena pade bojarāre biro mée, Wiogũrena pade bojarāre biro, añuro tiirũgarique mena padeya. ⁸Mani ca niiro cõrora, pade coteri majũ ca niigũ, añuro ca niigũ, “Añurije mani ca tiicarore birora Wiogũ cũ ca tiicojorijere mani ñeerucu,” ca ĩi majiparā mani nii.

⁹Mũja, cũja Ƴparā, mũjare pade bojari majare ĩi uwiotirāra, añuro mũjare cũja ca pade nũñjeerore birora añuro cũjare tiya. Mũja cũja Ƴparā, mũja cũjare pade bojari maja cāa, Ƴmũreco tutipũ ca niigũ Wiogũ ĩicũrena ca pade nũñjeerā mũja ca niirijere majiña. Cũa bojocare ca ĩa dica woogũ mée niimi.

Ƴmũreco Pacũ yee bojoca tooye

¹⁰Yũ yaarā, mecũra yua mũja ca tũgoeña tutuapere, Wiogũ

cũ ca tutuarije do biro ca tiya manirijepũre amaña. ¹¹Ƴmũreco Pacũ bojoca tooye cõtirique niipetirije cũ ca tiicojorique mena, bojoca tooye cõtĩ niĩña, ñañarije mani ca tiiro manire ca tiigũ Satanás cũ ca ĩi ditorijerena jāa tii nũñjeere ĩirā. ¹²Bojoca mena ameri quẽe niirā mée mani tii. Ñañarije wiorā mena, ca dotirā mena, ati Ƴmũrecorire ñañarije tiicararo ca tii niirā mena, emũaropũ macārā mani waparā ñañarije ca tiirā mena, ameri quẽe niirā mani tii. ¹³To biri niipetirije bojoca tooye Ƴmũreco Pacũ mũjare cũ ca tiicojoriquere jee Ƴpayā, ñañaro mũjare ca bii eari rũmũre tũgoeña bayi, bii ametũa nũcā, to birora mũja ca tũgoeña bayicõa niipere biro ĩirā. ¹⁴To biri to birora tũgoeña tutuacõa niĩña. Díamacũ ca niirije mena



Bojoca tooye Ƴmũreco Pacũ cũ ca tiicojorije. Ef 6.10-17

wēñarica daa cūticāricarã nii, ca niimore biro tii niirique ca niiruro cōme jutiro jãña, ¹⁵añurije queti añuro niiricaro ca tiirijere wederã waarugarã añuro queno yuericarãpũ niiricaro ca tiirije dũpo juti jãñaricarãpũ nii yue, biiya. ¹⁶Añuro petira, díamacũ mũa ca tũo nũcũ bũorijera, mũa wapero to niijato, Satanás mũjare cũ ca ñi cõa jãarije niipetirijere ca camotaapere biro ñiro. ¹⁷Ɛmũreco Pacũ mũjare cũ ca ametũeneriquere mũa dũpũgare ca camotaari coro, come corore biro cũo, ñucã Ɛmũreco Pacũ wederiquera, Añuri Yeri mũjare cũ ca tiicojori pĩi niipĩire biro cũo, tiiya.

¹⁸Añuri Yeri cũ ca majiorije mena to birora juu buecõa niĩña. To birora añuro tũgoeña bojoca catiri nii, ca ñañarije manirã Ɛmũreco Pacũ yaarã niipetirãre Ɛmũreco Pacũre juu bue boja, tiicõa niĩña. ¹⁹Yũ cãare juu bue bojaya, yũ ca ñipere Ɛmũreco Pacũ yũre cũ majiojato ñirã. Ñucã uwiricaro maniro, Ɛmũreco Pacũ yee ca majiña manirije ca niirique añurije quetipũre ca niirijere,

cũja ca majiro yũ ca tiipere biro ñirã. ²⁰Ɛmũreco Pacũre ate añurije quetire yũre wede yuju doti cojowi. Tee jũorira mecũra, come daari mena cũja ca jiaricũ yũ nii. To biri Ɛmũreco Pacũre yũre jãi juu bue bojaya, cũ yee quetire uwiricaro maniro yũ ca wedepere biro ñirã.

Añu doti yapanorique

²¹Tĩquico mani yee wedegũ, yũ ca maigũ, añuro mani Wiogũ yeere yũre pade nemori majũ, yũ ca bii niirijere, yũ ca tii niirije niipetiro, mũajare wederucumi. ²²To biri jãa ca bii niirijere mũajare wede, mũa pea teere tũo Ʃjea nii, mũa ca biipere biro ñigũ, mũa pũtorũ cãre yũ tiicojo.

²³Mani Pacũ Ɛmũreco Pacũ, Wiogũ Jesucristo, añuro niirique, ameri mairique, díamacũ tũo nũcũ bũorique, mani yaarãre cũja tiicojojato.

²⁴Mani Wiogũ Jesucristore ca mairã niipetirãre añuro cũ ca tii bojarique, cũ ca mairije ca peti nũcãtirijere cũ tiicojojato.

To biro to biijato.

Pablo